

Partido AVP ta señalá:

Nombracion di Otmar Oduber como Hefe di Prensa ta muestra grandi di confiansa den nos hobennan

ORANJESTAD(AAN) -- Dia cu Prome Minister Henny Eman a dicidi di nombra e dinamico hoben Otmar Oduber como vocero nobo di Gobierno, el a demostra su vision y muestra grandi di confiansa cu Prome Minister y su Partido AVP tin den nos hobennan riba lista. Cu esaki AVP a demostra claramente cu e ta tuma su hendenan hoben riba lista na serio. Como representante di HAC, e hala hoben di Partido AVP, Otmar Oduber a tuma e ulti-

mo puesto riba lista manera a bira custumber di e representante di hubentud den partido. Mescos a sosode riba lista cu sr Edwin Abath un eleccion prome. Mirando e dinamismo y perspetivanan talentoso di e hoben Otmar, Minister di Turismo e tempo ey sr Tico Croes, a tum'e mesora den su despacho, caminda Otmar Oduber a demostra di por traha na bienestar di su pais. Despues cu sr Tico Croes a bira Minister di Finanzas, el a bolbe deposita tur su confi-

ansa den e hoben aki. Otmar Oduber a demostra di ta un hoben trahado, kende a bira man drechi di Minister di Finanzas. Tabata cu hopi duele Minister Tico Croes a laga Otmar Oduber bai, pero nos di Partido AVP semper a traha y semper a biba segun e filosofia cu un candidato ta riba lista pa Partido y pa sirbi su pais ora e debido tempo yega. No pa sirbi interes propio manera esnan di Mep ta pretende.

No pa puesto manera e hobennan den Mep si ta riba lista. Manera nan propio Marisol Tromp kende te un anochi prome cu entrega di lista, tabata negosha cu partido AVP y na mes momento e tabata negosha cu partido Mep pa mira cua partido ta ofrece e mihor puesto riba lista pasobra e si a subi lista pa puesto. Ta e puesto di Minister e tabata antoha. E mester a keda satisfecho cu e puesto di Parlamentaria. Esey ta loke ta duel e te dia di awe. Un hende asina no a subi un lista pa e programa di e partido ey. E programa no tabata interes'e ni un bledo. Unico cos cu tabata interesa Marisol Tromp tabata con halto riba lista di cua partido cu ta e por a bai y e persona aki ta yama su mes un politico critico? Riba kico e ta basa su ponencia? Con critico of con ideologico e tabata ta ora el a dicidi di scoge pa e lista di Mep y no pa e lista di AVP? Ningun ideologia, su escogencia tabata puramente basa riba puesto, riba posicion riba poder. Esakinan ta "hobennan di Mep" cu nos pueblo no por pone su confiansa aden hamas. Ta pesey mes partido Mep no por compronde cu den nos partido AVP nos no ta bringa pa poder, nos no ta bringa pa posicion of puesto. Tabata turno di Willy Willems y Carmelita Haynes pa drenta Parlamento y asina a sosode tambe. Un dia, sigur si Otmar Oduber sigui traha cu e mesun dinamismo cu el a traha semper cu Minister Tico Croes, e tambe lo asumi e puesto cu partido AVP tin pe na e momento-



tido a pidi mi pa hacie." Aruba ta bin prome y no probecho personal.

Partido Mep cu un bes mas a demostra su cara falso di desunion, awor ta busca fons di nos Otmar Oduber riba lista berde. Boso no tin bastante problema den boso propio partido geel pa bin hinca nanishi den nos asunto interno di partido tambe? No ta asina cu boso partido por yora di duele aworaki cu boso a core nombra un nobato den politica esta sr. Edwin Jacobs como presidente di boso partido y cu awor boso no sa con bahele? No ta asina cu boso tin un hala di problema entre e hobennan y e bieunan den partido? Si ta boso fons nos tin cu busca, ta hopi cos di coba tin. Hopi bichi lo sali for di e lodo di Mep.

nan ey. Mescos a pasa cu Gaby Werleman. Partido a pidi Gaby pa bandona su puesto como Parlamentario pa eherce un trabou mas grandi pa su isla, caminda su expertisio ta indispensable. Gaby Werleman a acepta manera ta deber di un politico cu ta sincero cu su pueblo y cu su partido. Manera el a bisa den su propio palabra: "Tin un trabou pa haci y par-

Lectornan contento cu DIARIO su Edicion Special di Carnaval

ORANJESTAD (AAN) -- Diferente lector a yama pa felicita DIARIO pa su edicion special dedica na Parada di luz, Carnaval di Noord, y parada di Mucha na Oranjestad.

DIARIO a dedica 12 pagina solamente pa potret, fuera di e cobertura cu ta aparece den e seccionnan di "Skribidi y Popo" cu nos lectornan ta custumbra cune.

Palabranan di elogio y di danki a worde expresa pa e bunita paginan di potret cu sigur varios persona den nos comunidad lo conserva como recuerdo.

Specialmente un señora cu a bisa nos di ta tanta di un di e muchanan cu por a mira riba potret den DIARIO, a mencionia cu e lo manda e corant aki pa e mucha su wela cu ta na Hulanda, y cu sigur lo goza un mundo di "Skribi, Popo" y e edicion special aki.


Algo cu a sorprende e lector aki ta cu DIARIO ta sponsor completamente e 12 paginan di nos edicion special

di Carnaval, pasobra e no ta mira ni un aviso comercial den dje, loke ta muestra con nos matutino ta cu pueblo tur dia y na tur momento.


Ta ser bisa cu "sucu no ta gaba su mes", pero door di e reaccionnan cu a yega na nos mesa di redaccion, unda a worde expresa cu un vez mas DIARIO ta demostra su apoyo incondicional na pueblo di Aruba, no ta di mas pa agrega cu pueblo di Aruba sa cu semper por conta riba nos tur, cu ta un placer pa nos, den e dianan aki tambe respalda nos comunidad cu nos dushi carnaval.

Bal la pena pa manda palabranan di felicitacion pa Gina Burleson y Ricardo Jimenez cu a saca tremendo potretnan y na nos periodista strea Nilton Lacle cu a traha riba e precioso presentacion di e Edicion Special di Carnaval. No por keda sin mencionia Skribi y Popo, cu tambe ta pone nan seyo particular na e seccion aki tan gusta.

INTERIOR CRAFT OFERTA OFERTA



Afl. 4.450,=



Afl. 5.450,=

- A) Kitchen Cabinet
- B) Cashi Baño
- C) Cashi Kamber
- D) Set di Kamber
- E) Bar/Bar Counter
- F) Trapi

- Painting Material
- A) Varnish
- B) Spain Work
- C) White Wash Color

- Calidad di Material:
- A) Cedar
- B) Peach Pine
- C) Plywood
- E) Formica

• Garantia di 10 aña riba tur nos trabonan • Pa mas informacion yama nos na tel: 822620
• Fax: 822620 • Ora di oficina 9'or a.m. pa 5'or p.m.



ARUBA TRUSTKANTOOR N.V.

Aruba Trust Office Ltd.

Caya Betico Croes #67 Tel: 821696

FOR RENT UNFURNISHED HOUSES

Caya Tilburg 3 Bedrooms Afl. 1.700,=
San Nicolas 2 Bathrooms

G.M. de Bruynewijk 3 Bedrooms Afl. 1.300,=
Plus apt. 1 Bathroom

Spaans Lagoenweg 2 Bedrooms Afl. 1.100,=
1 Bathroom

Caya Luna 3 Bedroom Afl. 1.200,=
Tarabana Residence 2 Bathrooms

Cabuyastraat 3 Bedrooms Afl. 2.000,=
2 Bathrooms

FOR ALL INFORMATION
ARUBA TRUSTKANTOOR N.V.